



SIB QHIA XOV XWM

Volume 3, Issue 1, Lub Peb Hlis Ntuj, 2009

Tsab xov xwm no yog rau cov neeg zov cov me nyuam uas zov cov me nyuam hauv Wisconsin Kev Pab Them Nqi Zov Menyuum, ib qho kev pab cuam uas pab cov tsev neeg uas tau nyiaj tsawg them cov nqi zov me nyuam uas muaj cai tswj thaum uas mus koom hauv cov dej num ua hauj lwm.

- Nws Yog Mus Ua Si los sis Kev Zov Me Nyuam Tsis Raug Cai?
- Ntxiv Txog Cov Kev Mus Ua Si
- Lub Plua Ntawm Ib Tug Me Nyuam Me: Lub Plaub Hlis Ntuj 19-25
- Lub Sam Xeeb Txog Qhov Kev Pab Cuam Nyob Hauv Xov Xwm
- Cov Neeg Zov Me Nyuam Yuav Tau Ua Dab Tsi

Nws Yog Mus Ua Si los sis Kev Zov Me Nyuam Tsis Raug Cai?

Thaum uas Lub Caij So Rau Lub Caij Nplooj Ntoos Hlav los txog thiab lub caij ntuj so yuav los ob peb hlis tom qab ntawd, cov neeg zov me nyuam tej zaum yuav npaj seb yuav ua dab tsi nrog cov me nyuam Muaj Hnub Nyoog Mus Kawm Ntawv. Thaum uas koj npaj, nco ntsoov hais tias koj yuav kom Wisconsin Shares qhov kev pab cuam them tsis tau rau cov sij hawm uas lwm tus neeg zov cov me nyuam. Koj yuav kom Wisconsin Shares qhov kev pab cuam them tsis tau rau kev zov me nyuam hauv lwm qhov chaw, tiam sis tsis suav rau cov kev mus ua si uas niam txiv tau sau ntawv tso cai lawm.

Ua tau dab tsi?

Ib tug neeg zov me nyuam yuav coj cov me nyuam mus ua si los tau yog hais tias niam txiv tau tso cai, tus neeg zov me nyuam los sis tus neeg zov me nyuam cov neeg ua hauj lwm uas tsim nyog saib ntsoov thiab tswj cov me nyuam, thiab tus neeg zov me nyuam tus neeg ua hauj lwm zov cov me nyuam raws li seb tsuas pub zov pes tsawg tus. Piv txwv li, ib tug neeg zov me nyuam uas tau ntawv tso cai coj 4 tug me nyuam mus ua si saib duab kos tom ib lub tshav ua si (park) (3 tus me nyuam hlob) thiab ib lub sij hawm coj me nyuam mos mus da dej. Tus neeg zov me nyuam nrog tus me

nyuam mos nyob hos nws tus neeg ua hauj lwm nrog 3 tug me nyuam hlob.

Ua tsis tau dab tsi?

Tus neeg zov me nyuam yuav xa tsis tau cov me nyuam mus rau lwm tus neeg los sis lwm qhov kev ua si. Piv txwv li, tus neeg zov me nyuam uas tau ntawv tso cai yuav coj tsis tau 4 tug me nyuam mus rau tom tshav ua si es tso 3 tug saib duab kos thaum uas nws coj tus me nyuam mos mus da dej. Zoo tib yam nkaus li no thiab, cov neeg zov me nyuam yuav thauj tsis tau lawv cov me nyuam mus rau ib qho kev pab cuam rau cov me nyuam hluas rau hnub ntawd, them tus nqi ua si txhua hnub, thiab ho kom Wisconsin Shares qhov kev pab cuam them rau nqi zov me nyuam.



Ntxiv txog Cov Kev Mus Ua Si

Los Ntawm Qhov Chaw Muab Cov Lus Qhia Txog Kev Zov Me Nyuam

Cov kev mus ua si ntawd ne? Thaum uas npaj zoo zoo thiab siv kev ruaj ntseg, cov kev ua si ntawd

yuav yog ib qho tshiab uas txawv rau cov me nyuam me thiab cov laus tib si, thiab yog ib txoj kev ua kom cov me nyuam nkag siab txog lawv lub zej zos.

Ib txoj kev uas yuav ua tau yog muaj kev mus ua si "rov qab". Kom cov neeg hauv koj lub zej zos thiab cov niam txiv tuaj rau ntawm koj lub tsev los sis qhov chaw zov me nyuam es tuaj tham nrog koj pawg neeg txog lawv txoj hauv lwm los sis qhia lawv ua "khoom"! Tom qab ntawd, cov me nyuam yuav xav tham txog thiab nco txog qhov lawv tau ua los los ntawm txoj kev ua si. Muab tej yam khoom ua piv txwv los ua si hauv koj cov chaw rau khoom ua si, chaw hnav khaub ncaws thiab chaw txua khoom. Muab cov khoom kos duab rau lawv kom lawv thiaj li kos tau cov duab txog yam lawv tau ua thiab tau pom. Kev nyeem cov phau ntawv ua ntej thiab tom qab uas hais txog lub yis laj tib yam li qhov nej mus ua si yuav pab kom cov me nyuam nco tau, nug cov lus nug uas muaj thiab nkag siab txog qhov uas lawv pom.

Lub Plua (Week) Ntawm Ib Tug Me Nyuam Me: Lub Plaub Hlis Ntuj Tim 19-25

Lub caij nplooj ntoos hlav no koj qhov kev mus ua si yuav muaj txog Lub Plua Ntawm Ib Tug Me Nyuam Me. Lub koom txoos ua kev zoo siab txog cov me nyuam uas muaj txhua xyoo no yog coj los ntawm National Association for the Education of Young Children (NAEYC). Lub ntsiab rau xyoo 2009 yog "Coj Cov Zej Zos Los Ua Ke rau Cov Me Nyuam; Vim Cov Me Nyuam Coj Cov Zej Zos Los Ua Ke". Qhov ntawd yog ib qho laj thawj zoo uas yuav mus xyuas koj lub zej zos nrog cov me nyuam uas koj zov. Cov tswv yim rau cov kev ua si rau lub plua hauv lub Plaub Hlis Ntuj Tim 19-25 mas muaj nyob rau ntawm NAEYC lub website ntawm: <http://www.naeyc.org/about/woyc>

Thov sam koob hmoov kom koj muaj kev mus ncig yam muaj kev ruaj ntseg thiab muaj kev mus ncig ua si loj!

Lita Haddal, Chaw Muab Cov Lus Qhia Txog Kev Zov Me Nyuam Tus Neeg Muab Kev Pab Txog Kev Zov Me Nyuam. Hu rau CCIC ntawm 1-800-362-7353 yog xav tau tswv yim ntiv rau txoj kev ua si.

Lub Sam Xeeb Txog Qhov Kev Pab Cuam nyob hauv Xov Xwm

Yog hais tias koj caum mloog xeev cov xov xwm, koj paub hais tias tsis ntev los no muaj ib co xov xwm txog kev siv tsis raug cai thiab kev dag hauv Wisconsin Shares Kev Pab Them Nqi Zov Me Nyuam. Cov neeg ua hauv lwm hauv Wisconsin Shares thiab cov laj fai hauv zov tau ua hauv lwm ua ke los xyuas kom tag nrho cov kev them nqi yeej yog tiag—them nqi kom yog rau cov kev zov me nyuam rau cov tsev neeg uas tsim nyog. Muaj ib co kev hloov tsis ntev los no uas koj yuav tau ras txog:

- Thaum lub Kaum Ib Hlis Ntuj, peb tau tso tawm phau ntawv tshiab Txhooj Cai Txog Kev Zov Me Nyuam (Child Care Policy Manual) rau hauv cov laj fai hauv zos siv los txiav txim txog kev tsim nyog thiab kev tso cai zov me nyuam. Tam sim no cov laj fai yuav tsum tau ua ntau yam zog los sau tseg tias tus niam txiv txoj kev ua hauv lwm thiab cov nyiaj tau mas tau qhia rau cov chaw xyuas txog se uas tsim nyog. Qhov no pab xyuas tias cov lus qhia txog qhov chaw ua hauv lwm nws yog thiab cov neeg ua hauv lwm muaj kev tiv thaiv yog tias raug mob los sis raug rho tawm hauv lwm vim tsis muaj hauv lwm ua lawm.
- Txij thaum lub Ib Hlis Ntuj los, cov neeg zov me nyuam uas qhia tuaj on-line hauv Child Care Provider Information (CCPI) System yuav tsum tau pom zoo tias yuav qhia txog kev tuaj rau zov kom yog txhua zaus lawv xa cov sij hawm tuaj kom them nyiaj. Cov neeg zov me nyuam uas qhia hauv ntawv yeej ib txwm kos npe rau daim ntawv tias txhua yam yeej yog txhua zaus lawv qhia tuaj.
- Tus nom kav xeev Doyle kos npe rau Wisconsin's Economic Stimulus uas tau los ua ib txoj cai rau lub Ob Hlis Ntuj Tim 19, uas muab 5 txoj hauv lwm tshiab rau hauv Lub Caj Meem Fai Saib Xyuas Txog Cov Me Nyuam thiab Tsev Neeg los nrhiav cov kev them nyiaj uas tsis yog thiab mus hais kom them cov nyiaj rov qab.
- Tus nom kav xeev Governor lub hom phiaj 2009-2011 txog fab kev siv nyiaj xtiag muaj ntau yam twj ua kom qhov kev pab cuam saib xyuas kom ncaj thiab kom tswj fab nyiaj xtiag kom zoo me ntsis.

Yog hais tias koj xav tau cov lus qhia no ua lwm yam, xav kom muab txhais ua lwm hom lus, los sis muaj lus nug/tswv yim hais txog cov lus qhia hauv tsab xov xwm no, thov e-mail ChildCare@Wisconsin.gov los sis hu (608) 888-499-3464. Yog muaj lus nug txog ntawm pej xeem cov cai, hu (608) 266-6889 los sis (866) 864-4585 TTY (Hu Dawb). Cov xov xwm uas tau tshaj tawm yav tas los no muaj nyob rau ntawm <http://dcf.wisconsin.gov/childcare/wishares/newsletter.htm>.

Cov Neeg Zov Me Nyuam Yuav Tsum Tau Ua Dab Tsi. Cov neeg zov me nyuam uas ua raws li tag nrho cov cai hais txog kev ua lag luam zov me nyuam, thiab khiav dej num zoo li ib lub lag luam yuav tsis txhawj txog dab tsi los ntawm cov dej num tshiab uas muaj tas li los sis cov dej num hais txog lub sam xeeb ntawm qhov kev pab cuam tshiab. Tej zaum koj yuav xa mus saib cov ntawv uas tau muaj nyob rau hauv tsab ntawv xov xwm no ntau xyoo dhau los. Koj tseem nrhiav tau cov no nyob rau ntawm <http://dcf.wisconsin.gov/childcare/wishares/newsletter.htm>. Ib co tseem ceeb uas yuav ua raws muaj xws li:

Yuav tsuam tau qhia kom yog TAS LI txog qhov coj me nyuam tuaj rau zov. Saib:

Kev Qhia Kom Yog Txog Qhov Coj Me Nyuam Tuaj Rau Zov (11/06)
Ntxiv Txog Kev Qhia Txog Qhov Coj Me Nyuam Tuaj Rau Zov (3/07)
Qhia Kom Paub Txog Lub Sam Xeeb Ntawm Qhov Kev Pab (6/07)
Kev Dag Tias Coj Me Nyuam Tuaj Rau Zov Mas Tej Zaum Lawv Daim Ntawv Tso Cai/Daim Ntawv Pom Zoo Yuav Raug Tshem Tawm (12/08)

Cov ntawv qhia txog qhov tuaj rau zov txhua hnub yuav tsum tau ceev tseg thiab tau ntawv tes TAS LI. Qhov no txhais tias lub sij hawm uas tus me nyuam tuaj txog thiab tawm mus yuav tsum tau muab sau tseg thiab muab rau cov neeg tswj cai thiab cov neeg saib xyuas hauv kev pab them nyiaj soj ntsuam. Saib:

Kev Qhia Kom Yog Txog Qhov Coj Me Nyuam Tuaj Rau Zov (11/06)
Qhia Kom Paub Txog Lub Sam Xeeb Ntawm Qhov Kev Pab (6/07)
Kev Saib Xyuas Los Ntawm Qhov Kev Pab Them Nyiaj – Tus Neeg Zov Me Nyuam Yuav Npaj Pom Dab Tsi & Yuav Tsum Tau Muaj Dab Tsi (3/08)

Kev qhia txog zov me nyuam rau kev pab them nyiaj YUAV TSUM zov rau ntawm qhov chaw uas tso cai, raws li tso tus neeg zov me nyuam zov pes tsawg tus, thiab hauv tus neeg zov me nyuam lub sij hawm zov me nyuam. Saib:

Cov Kev Tso Cai yog rau lb qho chaw twg kiag xwb (11/06)

Cov Kev Tso Cai – Tus Neeg Zov Me Nyuam Daim Ntawv Cog Lus Nrog WI Shares Kev Pab Them Nyiaj Zov Me Nyuam Txog Kev Them Nyiaj (6/07)
Kev Txwv Hauv Kev Them Nyiaj raws li Cov Kev Txwv Hauv Kev Pom Zoo & Kev Muab Ntawv Tso Cai (9/07)

Cov neeg zov me nyuam uas txais neeg ua hauj lwm yuav tsum tau ua raws li tag nrho cov cai hais txog kev txais neeg ua hauj lwm thiab cov cai txog se. Nws yog ib lub lag luam. DCF thiab cov laj fai hauv zos saib xyuas zoo heev thaum uas tus neeg zov me nyuam txais Wisconsin Shares cov niam txiv mus ua hauj lwm rau lawv. Saib:

Daim Ntawv Teev Cov Lus Txog Lag Luam (11/06)
Kev Saib Taus Cov Neeg Ua Hauj Lwm Yam Ncaj Ncees (3/07)
Cov Neeg Zov Me Nyuam ua Cov Tswj Hauj Lwm (12/08)

Yog hais tias koj xav tau cov lus qhia no ua lwm yam, xav kom muab txhais ua lwm hom lus, los sis muaj lus nug/tswv yim hais txog cov lus qhia hauv tsab xov xwm no, thov e-mail ChildCare@Wisconsin.gov los sis hu (608) 888-499-3464. Yog muaj lus nug txog ntawm pej xeem cov cai, hu (608) 266-6889 los sis (866) 864-4585 TTY (Hu Dawb). Cov xov xwm uas tau tshaj tawm yav tas los no muaj nyob rau ntawm <http://dcf.wisconsin.gov/childcare/wishares/newsletter.htm>.